



# FLETORJA ZYRTARE E REPUBLIKËS SË SHQIPËRISË

Botim i Qendrës së Publikimeve Zyrtare

[www.qpz.gov.al](http://www.qpz.gov.al)

**Nr.146**

**1 nëntor**

**2011**

## P Ë R M B A J T J A

	Faqe
Ligj nr.10 469 datë 13.10.2011	Për mbrojtjen nga rrezatimet jojonizuese ..... 6559
Ligj nr.10 470 datë 13.10.2011	Për disa ndryshime dhe shtesa në ligjin nr. 10 171, datë 22.10.2009 “Për profesionet e rregulluara në Republikën e Shqipërisë”, të ndryshuar ..... 6563
Vendim i Kuvendit nr.130, datë 13.10.2011	Për lirimin nga detyra dhe emërimin e një anëtari të këshillit drejtues të Autoritetit të Komunikimeve Elektronike dhe Postare..... 6564
Dekret nr.7100 datë 11.10.2011	Për dhënie të shtetësisë shqiptare ..... 6564
Vendim i KM nr.680, datë 5.10.2011	Për miratimin e masës së shpërblimit të anëtarëve të bordit të menaxhimit për Kontrollin e Brendshëm Financiar Publik dhe të Komitetit të Auditimit të Brendshëm ..... 6565
Vendim i KM nr.682, datë 5.10.2011	Për një shtesë në vendimin nr.472, datë 2.7.2011 të Këshillit të Ministrave “Për disiplinimin e fondeve buxhetore, për vitin 2011”, të ndryshuar ..... 6565
Vendim i KM nr.683, datë 5.10.2011	Për një shtesë në vendimin nr.47, datë 16.1.2008 të Këshillit të Ministrave “Për programin e nxitjes së punësimit, nëpërmjet formimit në punë”, të ndryshuar ..... 6566
Vendim i KM nr.684, datë 5.10.2011	Për disa ndryshime dhe shtesa në vendimin nr.627, datë 31.8.2011, të Këshillit të Ministrave “Për kuotat e pranimeve në institucionet publike të arsimit të lartë dhe tarifat e shkollimit për studimet e ciklit të parë, me kohë të pjesshme e të edukimit në distancë, në vitin akademik 2011-2012” ..... 6566

Vendim i KM nr.685, datë 5.10.2011	Për disa ndryshime dhe shtesa në vendimin nr.391, datë 1.6.2011 të Këshillit të Ministrave “Për miratimin e statutit të shoqërisë “Nxitja e biznesit social”, sh.a.” .....	6568
Vendim i KM nr.687, datë 5.10.2011	Për organizimin, kompetencat dhe funksionimin e Agjencisë së Administrimit të Pasurive të Sekuestruara e të Konfiskuara si dhe mënyrën e administrimit të pasurive të sekuestruara e të konfiskuara .....	6568
Vendim i KM nr.688, datë 5.10.2011	Për një shtesë në vendimin nr.53, datë 21.1.2009 të Këshillit të Ministrave “Për ngarkimin e Ministrisë së Brendshme për kryerjen e procedurave të prokurimit publik, në emër dhe për llogari të Kryeministrisë, ministrive dhe institucioneve të varësisë, për disa mallra dhe shërbime”, të ndryshuar .....	6575
Vendim i KM nr.691, datë 12.10.2011	Për miratimin e dëmshpërblimit financiar për ish-të dënuarit politikë të regjimit komunist .....	6576
Udhëzim i MASH nr.37, datë 23.9.2011	Për strukturën e vitit akademik 2011-2012 në institucionet publike të arsimit të lartë .....	6585
Udhëzim i MASH nr.38, datë 23.9.2011	Për procedurat e pranimit dhe të regjistrimit në ciklin e parë të studimeve me kohë të pjesshme dhe edukimin në distancë, në institucionet publike të arsimit të lartë, në vitin akademik 2011-2012.....	6586
Urdhër i MD nr.6386/1, datë 7.10.2011	Për heqjen e lejes së ushtrimit të profesionit të noterit .....	6588
Vendim i ERE nr.87, datë 26.9.2011	Për licencimin e shoqërisë “Euron Energy Group” sh.p.k. në aktivitetin e prodhimit të energjisë elektrike .....	6589
Vendim i ERE nr.88, datë 26.9.2011	Për licencimin e shoqërisë “Euron Energy Group” sh.p.k. në aktivitetin e tregtimit të energjisë elektrike .....	6590
Vendim i ERE nr.89, datë 26.9.2011	Për fillimin e procedurave të shqyrtimit të aplikimit të shoqërisë “Malido Energji” sh.p.k. për kualifikimin e impiantit prodhues për “Hec Klos” si burim i rinovueshëm energjie .....	6591
Vendim i ERE nr.90, datë 26.9.2011	Për fillimin e procedurave të licencimit të shoqërisë “Malido Energji ” sh.p.k. në aktivitetin e tregtimit të energjisë elektrike .....	6592
Vendim i ERE nr.91, datë 26.9.2011	Për licencimin e shoqërisë “Erald Energjitik” sh.p.k. në aktivitetin e prodhimit të energjisë elektrike nga hec-et “Shemri” dhe “Mgulle” .....	6593
Vendim i ERE nr.92, datë 26.9.2011	Për shtyrjen e afatit të licencës nr.63 të dhënë me vendim të bordit të komisionerëve nr.89, datë 6.8.2008 të ndryshuar me vendimin e bordit të komisionerëve nr. 19, datë 8.3.2010 për “Albanian Green Energy” .....	6594

Vendim i ERE nr.93, datë 26.9.2011	Për shtyrjen e afatit të licencës nr.64, e dhënë me vendimin e bordit të komisionerëve nr.90, datë 6.8.2008 për “Biopower Green Energy” .....	6595
Vendim i ERE nr.94, datë 26.9.2011	Për fillimin e procedurave për shqyrtimin e aplikimit të shoqërisë “KESH” sh.a. për transferimin e aseteve përkatësisht “Nënstacioni Lanabregas”, “Nënstacioni Bogovë”, “Nënstacioni Gjanc”, “Nënstacioni Bushat 110/20 kv”, “Rrjeti 20 kv Koplík”, “Nënstacioni Shkodër 110/20 kv”, “Nënstacioni Fier 110/20kv”, “Nënstacioni Gjirokastër” .....	6596
Vendim i KNSH nr.38, datë 19.9.2011	Për planin e dhënies së ndihmës shtetërore “Për programin e nxitjes së punësimit të femrave nga grupet e veçanta” .....	6597
Vendim i KNSH nr.39, datë 19.9.2011	Për planin e dhënies së ndihmës shtetërore “Për masën e financimit, kriteret dhe procedurat e zbatimit të programit të nxitjes së punësimit të punëkërkuësve të papunë që hyjnë për herë të parë në punë” .....	6598
Vendim i KNSH nr.40, datë 19.9.2011	Për planin e dhënies së ndihmës shtetërore “Për përcaktimin e procedurave të konkurrimit për ofrimin e shërbimit të formimit profesional të punëkërkuësve të papunë nga persona juridikë/fizikë privatë dhe organizata jofitimprurëse” .....	6600
Vendim i KNSH nr.41, datë 28.9.2011	Për shqyrtimin e urdhrit nr. 120 datë 23.8.2010 të Ministrit të Punëve Publike dhe Transportit “Për dhënien e lejes për përdorimin e pasurisë së paluajtshme publike aksit rrugor kombëtar me kundërshpërblim” .....	6602
	Vendim për shpalljen të vdekur të shtetasit Evangjellos Feno Bineri .....	6609

**LIGJ**  
**Nr.10 469, datë 13.10.2011**

**PËR MBROJTJEN NGA RREZATIMET JOJONIZUESE**

Në mbështetje të neneve 78 e 83 pika 1 të Kushtetutës, me propozimin e Këshillit të Ministrave,

**KUVENDI**  
**I REPUBLIKËS SË SHQIPËRISË**

**VENDOSI:**

**KREU I**  
**DISPOZITA TË PËRGJITHSHME**

**Neni 1**  
**Qëllimi i ligjit**

Qëllimi i këtij ligji është kontrolli i ekspozimeve të publikut dhe të punonjësve, si dhe monitorimi i rrezatimeve jojonizuese, duke shfrytëzuar të mirat që vijnë nga përdorimi i tyre.

**Neni 2**  
**Objekti**

Ky ligj përcakton masat që synojnë mbrojtjen e publikut dhe të punonjësve nga efektet dëmtuese në shëndet, si rezultat i ekspozimit të tyre ndaj rrezatimeve jojonizuese në intervalin e frekuencave 0-300 GHz.

**Neni 3**  
**Përkufizime**

Në këtë ligj termat e mëposhtme kanë këto kuptime:

1. “Efektet dëmtuese shëndetësore” janë efektet biologjike, që kanë pasoja dëmtuese në gjendjen fizike, mendore ose të përgjithshme të njerëzve të ekspozuar, qofshin ato afatshkurtra ose afatgjata.
2. “Ekspozim ndaj rrezatimit jojonizues” është rrezatimi i një individi nga fushat elektrike, magnetike ose elektromagnetike.
3. “Ekspozim profesional” është ekspozimi ndaj rrezatimeve jojonizuese, që ndodhin gjatë punës me pajisjet e këtyre rrezatimeve.
4. “Ekspozim publik” është ekspozimi ndaj rrezatimeve jojonizuese që marrin individët ose publiku, përjashtuar ekspozimet profesionale e mjekësore.
5. “Kufizime bazë” janë kufizimet ndaj ekspozimeve të fushave elektrike, magnetike ose elektromagnetike, në bazë të efekteve shëndetësore të përcaktuara. Në varësi të frekuencës së fushave, madhësitë fizike, që përdoren për të përcaktuar këto kufizime, janë densiteti i rrymës (J), shkalla e përthithjes së energjisë specifike (SAR) dhe densiteti i fuqisë (S).
6. “Kufi ekspozimi” është kufiri i sipërm, i vendosur për ekspozimin e njerëzve ndaj rrezatimeve jojonizuese, me qëllim mbrojtjen e tyre nga efektet e dëmshme biologjike.



7. “Mbikëqyrje” është monitorimi i ekspozimit të individëve ndaj rrezatimeve jojonizuese ose monitorimi i burimeve që lëshojnë rrezatim jojonizues.

8. “Miratim” është miratimi i lëshuar nga trupa rregullatore, mbi bazën e një aplikimi për veprimtari me pajisje rrezatuese jojonizuese.

9. “Pajisja me rrezatim jojonizues” është çdo produkt i fabrikuar që prodhon rrezatim jojonizues.

10. “Pajisje elektromagnetike mjekësore” është çdo pajisje ose instrument që përdor fushën elektromagnetike për diagnostikimin ose kurimin e pacientëve që janë nën kontroll mjekësor.

11. “Rrezatim jojonizues (Fushë elektromagnetike)” është entiteti fizik që mbart ose ruan energjinë në hapësirë dhe që ushtron forcë mbi ngarkesat elektrike. FEM-ja përfshin fushat magnetike, elektrike ose statike, me frekuenca në intervalin 0-300 GHz.

12. “Veprimtari me burime të rrezatimit jojonizues” është veprimtaria e personit fizik ose juridik, i cili zotëron, transferon, importon, eksporton, merr, përdor, fabrikon ose instalon pajisje me rrezatim jojonizues.

#### Neni 4

### **Detyrimet e subjekteve që kryejnë veprimtari me burime të rrezatimit jojonizues**

1. Të gjithë personat fizikë ose juridikë, vendas apo të huaj, që kryejnë veprimtari me burime të rrezatimeve jojonizuese, janë subjekt i këtij ligji.

2. Çdo person fizik ose juridik, vendas apo i huaj, është i detyruar të pajiset me akt miratimi nga Komisioni i Mbrojtjes nga Rrezatimet për çdo veprimtari me burime të rrezatimeve jojonizuese.

3. Personat fizikë ose juridikë, vendas apo të huaj, të pajisur me akt miratimi, detyrohen të zbatojnë dispozitat e parashikuara në këtë ligj dhe në aktet e tjera në zbatim të tij.

4. Personat fizikë ose juridikë, vendas apo të huaj, që kryejnë veprimtari me burime të rrezatimeve jojonizuese, duhet të punësojnë persona të kualifikuar për punë me këto pajisje, të monitorojnë ekspozimet e tyre dhe të marrin masat e nevojshme për uljen e ekspozimit, kur ato janë mbi nivelet kufi.

5. Punonjësit, që nuk kanë kualifikimin e nevojshëm për punë me pajisjet që emetojnë rrezatim jojonizues, duhet të trajtohen si individë të publikut.

6. Instituti i Shëndetit Publik bën vlerësimin e shëndetit, të efekteve të rrezatimit jojonizues si për punonjësit e ekspozuar profesionalisht, edhe për publikun.

#### KREU II

### **ORGANIZIMI I STRUKTURAVE TË MBROJTJES NGA RREZATIMET JOJONIZUESE**

#### Neni 5

### **Komisioni i Mbrojtjes nga Rrezatimet**

1. Komisioni i Mbrojtjes nga Rrezatimet është autoriteti përgjegjës kombëtar rregullator, që mbikëqyr dhe siguron zbatimin e dispozitave të këtij ligji e të akteve të tjera ligjore e nënligjore në fushën e mbrojtjes nga rrezatimet jojonizuese. Komisioni i Mbrojtjes nga Rrezatimet përcakton masat e nevojshme për të siguruar, në çdo rast, që ekspozimet e çdo instalimi ose pajisjeje, që emetojnë rrezatim jojonizues, të jenë në përputhje me normat e miratuara nga rregulloret përkatëse.

2. Përbërja, organizimi, funksionimi dhe mënyra e shpërblimit të anëtarëve të Komisionit të Mbrojtjes nga Rrezatimet përcaktohen me vendim të Këshillit të Ministrave.

Neni 6

**Detyrat e Komisionit të Mbrojtjes nga Rrezatimet**

Komisioni i Mbrojtjes nga Rrezatimet, përveç detyrave të përcaktuara në fushën e rrezatimit jonizues, ka edhe këto detyra për mbrojtjen nga rrezatimet jojonizuese:

- a) harton rregulloret dhe miraton udhëzimet e aktet e praktikave të mbrojtjes nga rrezatimet jojonizuese, të cilat janë të detyrueshme për zbatim nga të gjithë personat fizikë ose juridikë;
- b) kontrollon zbatimin e akteve ligjore e nënligjore për mbrojtjen nga rrezatimi jojonizues;
- c) miraton veprimtaritë me burime të rrezatimit jojonizues;
- ç) bën rekomandime dhe propozime për përmirësimin e legjislacionit në fuqi në fushën e mbrojtjes nga rrezatimet jojonizuese;
- d) bashkëpunon me organizmat kombëtare e ndërkombëtare për problemet e mbrojtjes nga rrezatimet jojonizuese;
- dh) angazhon institucionet kërkimore-shkencore në të gjithë vendin për zgjidhjen e problemeve kombëtare në fushën e mbrojtjes nga rrezatimet jojonizuese;
- e) përcakton kërkesat për mbikëqyrjen e veprimtarive me rrezatim jojonizues dhe monitoron ekspozimet e publikut dhe ekspozimet profesionale;
- ë) kërkon nga çdo operator, prodhues, importues ose instalues i pajisjeve, që emetojnë rrezatim jojonizues, të përmbushë respektimin e kufijve bazë dhe të kufijve të ekspozimit, nëpërmjet matjeve, deklaratave me shkrim ose certifikatave që lëshohen nga prodhuesit;
- f) miraton procedurat testuese për pajisjet, që emetojnë rrezatim jojonizues dhe ato elektromjekësore, si dhe për kompanitë që do të bëjnë testimin e tyre.

Neni 7

**Zyra e Mbrojtjes nga Rrezatimet**

Zyra e Mbrojtjes nga Rrezatimet është njësi ekzekutive e Komisionit të Mbrojtjes nga Rrezatimet, e cila, përveç detyrave të përcaktuara në fushën e rrezatimit jonizues, kryen edhe këto detyra:

- a) paraqet për miratim në komision aktet rregulluese të veprimtarisë së mbrojtjes nga rrezatimet jojonizuese;
- b) kontrollon në praktikë dhe mbikëqyr zbatimin e akteve ligjore e nënligjore në fushën e mbrojtjes nga rrezatimet jojonizuese;
- c) kryen inspektimin e instalimeve me rrezatim jojonizues;
- ç) mbledh informacion dhe kryen matjet bazë e analizat e nevojshme për kontrollin e mbrojtjes nga rrezatimet jojonizuese;
- d) përgatit dosjet për miratimin e veprimtarive me burime të rrezatimit jojonizues;
- dh) përgatit materialet e mbledhjeve të komisionit, si dhe raportet e kërkuara prej tij;
- e) mban inventarin kombëtar të instalimeve dhe regjistrat e posaçëm për të gjitha matjet e kryera.

Neni 8

**Informimi**

Komisioni i Mbrojtjes nga Rrezatimet ose personat fizikë apo juridikë, të miratuar, që kanë marrëveshje me të, mund të publikojnë ose të shpërndajnë informacione, të dhëna për matje apo çdo material që ka lidhje me dispozitat e këtij ligji, në faqen zyrtare ose nëpërmjet broshurave të ndryshme.



### KREU III SANKSIONET

#### Neni 9 Sanksionet

1. Shkeljet e mëposhtme, kur nuk përbëjnë vepër penale, përbëjnë kundërvajtje administrative dhe dënohen si më poshtë:

a) shkelja e pikës 2 të nenit 4, për mospajisje me akt miratimi nga Komisioni i Mbrojtjes nga Rrezatimet, dënohet me gjobë 500 000 lekë;

b) shkelja e pikës 5 të nenit 4, për punësimin e punonjësve të pakualifikuar, dënohet me gjobë 100 000 lekë;

c) shkelja e pikës 3 të nenit 4, për moszbatimin e kërkesave të ligjit dhe akteve, të dala në zbatim të tij, dënohet me gjobë nga 10 000 deri në 300 000 lekë.

2. Gjohat vendosen nga inspektorët e Zyrës së Mbrojtjes nga Rrezatimet.

3. Kundër vendimit të inspektorëve bëhet ankim në Komisionin e Mbrojtjes nga Rrezatimet brenda 10 ditëve.

4. Vendimi i Komisionit të Mbrojtjes nga Rrezatimet ankimohet në gjykatë brenda 30 ditëve.

5. Procedurat për vënien e gjobës dhe ankimimin rregullohen me ligjin nr.10 279, datë 20.5.2010 "Për kundërvajtjet administrative".

### KREU IV DISPOZITA TË FUNDIT

#### Neni 10 Nxjerrja e akteve nënligjore

Rregulloret për sigurinë e publikut dhe të punonjësve të ekspozuar ndaj rrezatimeve jojonizuese miratohen me vendim të Këshillit të Ministrave.

#### Neni 11 Hyrja në fuqi

Ky ligj hyn në fuqi 15 ditë pas botimit në Fletoren Zyrtare.

**Shpallur me dekreten nr.7141, datë 28.10.2011 të Presidentit të Republikës së Shqipërisë,  
Bamir Topi**